



宋先生遺像



宋先生赤身傷痕 (二)




(三) 宋先生赤身傷痕




宋先生含殮前禮服攝影 (四)



(五) 影攝服禮前殮含生先宋





偵探
小說

宋鈍初案探索之真相目次

宋鈍初先生小影

宋鈍初先生受傷後之攝影一

宋鈍初先生受傷後之攝影二

宋鈍初先生臨終時之攝影一

宋鈍初先生臨終時之攝影二

第一章 滬寧火車站

第二章 秘密社會

第三章 黑呢衣服人之來歷

第四章 緊要證人之發現

第五章 凶手就縛

偵探
小說

宋鈍初案探索之真相

笑梅編述

第一章

滬寧火車站

民國二年三月二十日之晚十時。予居上海北山西路一百四十號。坐吸烟室。狂吸淡巴菰。頻翻閱各日報。冀有奇異之案件。足資予研究者。先閱本埠新聞。次閱外埠新聞。類皆奸拐錢債等案。無甚意味。即江孚賑房逼死兵士。一目了然。亦無研究之價值。擱置一邊。不復再閱。乃入書室。見各地郵局來件。計十餘封。大都朋友問候者佔半數。求薦者又居其四分之一。餘一分則

報告各地教會自立之情形而已。流覽既竟。瞻壁上時
計。已指十時四十一分。正思無所消遣。忽聞門鈴狂震。
侍者啓戶。來客不待通問。狂奔入予書室。喘息言曰。君
幸在家。宋君不幸被鎗矣。予愕然。急問曰。何人。何人被。
鎗來者曰。宋宋漁夫先生也。予躍起曰。漁父先生乎。在
何處。被鎗傷要害否。凶手捕獲否。來者不及答。竟挾予
飛奔出門。予不知所止。隨之疾馳。
予居室距滬寧火車站極近。不一瞬間。已至站內。但見
人聲鼎沸。予及來者擠入人叢。詢車站司事宋先生。在
何處。司事曰。已用汽車送入滬寧鐵路醫院矣。予乃急。

僱人力車至老靶子路抵醫院門首當地名人已絡繹至予入醫院則醫生正用手術取出子彈檢宋先生之傷處既竟予詢及友人凶手曾否捕獲咸曰放鎗後卽已遠揚予乃出院門仍至火車站來予室者爲周滄海君周君在車站招待國會議員北上者也予乃訪周君詢詳情周君謂宋君先在招待室次由售票處走出正與吳拓黃諸君向車站出口處行即聞鎗聲云云予請周君引予至行凶處並詢及車站上各司事與脚夫目覩此時情形者隨問隨誌得一略圖如下

剪票處

水菓攤

鐵柵

鐵柵

鐵柵

宋先生

第一彈

第二彈

拓黃陳廖

第三彈

開門

凶手通路

門開

凶手

酒排間

招待國會議員處

關門

門關

售票處

售書報處
人已無

通訊處
西

電話

配

並云該凶手身材短小身著黑色軍衣未覩其面貌云云時火車已開售票處已無人影予乃折回至廐所反覆檢視上圖查不得其端倪就寢榻轉側不得眠坐待天曉也

翌晨六時至車站僅有脚夫數人打掃車站予乃在車站凶手所立處拾得子殼一枚其底上有西字及米花紋則是鎗確係

BROWNINGS-PATENT

其子殼長一

七密厘是鎗爲六寸無疑矣用此鎗時如伏在地上手齊於胸鎗口稍昂適能中立者之腰際然此鎗彈力極

大第二第三彈僅落在鐵柵內者想係心慌意亂隨便射擊致鎗口向下即落於此二點也

予返寓所仍無頭緒乃拍電話招阿二與老劉來老劉先至予囑其至滬杭車站檢視搭客如有身體矮小操外省口音舉止有異者卽偵其舉動隨之而行阿二亦來予卽以囑老劉者囑之命其候於滬寧車站予早膳後易黑布袍一領腰纏黑綿綢大腰帶下穿黑布綿褲白紗帶紮腿綠梁黑布快靴黃氈笠帽喚人力車至法馬路榮華茶樓啜茗

第二章 秘密社會

予擇一隙地坐下。泡紅茶一壺。右手按壺。左手按杯。徐徐吸飲。見四座均是秘密會中人。在予座之右有一老者。將兩指在杯上一攔。予幹緊將壺移開。問曰：「老先生有何見教？」予曰：「昨日之夕間有貴四哥者在火龍左近服衛生丸。未知是否？」圈子之所爲乎？老者移座於予右側。曰：「約畧聞之。此事想西閣知之最謐。」予曰：「以足下所聞如何？」老者曰：「聞有馬子者以餅子萬枚贈與副龍副龍命小九行之。然未得其詳也。予不再詰問。恐蹈嫌隙。」

少坐。即行。乃至邑廟內。尋得黑幫首領胡阿六者。詢其幫中有行此者否。阿六思之。至再。竟無其人。予乃回。廨默思此事之端倪。以老者之言爲最近。循是追尋。或不致迷途。但須急於研究者有三事。

(一)馬子。此馬子究係何等人。與宋先生係公仇。或私怨。然報私仇者。必親手殺之。以洩怨憤。今假手於人。則非私怨明矣。

(二)餅子。爲公仇。而出一萬元之酬金。一萬元者。鉅款也。爲公而願出一萬元。則其人既殺宋先生後。

所得者必不止區區一萬元之報酬但一萬元者
目前之利權也將來之報酬則在不可知之列甘
犧牲現在之利益而期將來之報酬其人不亦愚
甚乎且宋先生如不至於傷命則其萬元豈不虛
擲乎由此推之則此一萬元之鉅款決非一二人
之所集必有一團體爲之苟此萬元虛擲爲其後
盾者諒必有數萬元數十萬元以繼之則此團體
必鉅大無比也明矣

(三)副龍 副龍者秘密會中之副龍頭也但未知在